

摘藻堂四庫全書薈要

史部

欽定四庫全書叢要

史部

硃批諭旨卷十七

詳校官編修臣繆晉

欽定四庫全書薈要卷七千八百九十六

吏部

硃批諭旨卷十七

硃批黃叔琳奏摺

浙江巡撫臣黃叔琳謹

奏臣一介庸愚智識短淺荷蒙

皇上天恩擢撫浙省奉

命之日夙夜畏懼恐不勝任蒙

皇上訓誨周詳無微不至臣恭聆

訓旨時刻銘心於三月初三日起程至四月初三日入

臣屬嘉興府境當即具疏

題報是日適值大雨臣詢問耆老民人咸稱今歲雨水霑足二麥可望大熟杭嘉湖三郡蠶桑甚好運河有水漕船已盡出境四月初六日抵臣杭州府駐劄衙門到任訖隨經具疏

題報初七日例謁

文廟三學生員循例迎謁臣思教民之本始於學校

宣布

皇上崇儒重道至意

躬謁太學釋奠增廣試額作養人才諸生務宜飭躬勵  
行讀書上進以仰副

聖主樂育盛心諸生皆敬聽鼓舞北向叩首臣於初八  
日會同主考臣李鳳翥等驗看揀選各科舉人初  
九日考試武闈鄉試諸生十九日場事甫畢所有  
地方事宜

皇上面諭之事及歷運銅斤虛實通省錢糧有無虧空  
容臣逐一確查具

奏不敢少有瞻徇隱蔽上負

聖主委任洪恩為此謹

奏

崇儒重道固為治化之源但不可徒務虛名而反縱容  
刁頑不法紳衿誠欲作興斯文莫若屏黜生事之豪監  
武斷之劣生振起躬行實踐敦讓淳樸之風始為真正

崇儒重道若畏鄉曲之私評勝於廟堂之清議稍為執法懲創一二衿監即恐身被凌虐斯文之名因而一味姑容任其玩法害民傷風敗俗貽誤地方莫此為甚讀聖賢之書言聖賢之言行聖賢之行者方可謂之儒否則咸係名教中之蠱蠹衣冠中之秕莠也此輩不除真儒不出豈宜捨本逐末徒於枝節上作工夫迂濶不通猶屬小疵此習流蕩忘返必至斯文掃地而後已凡事須要務實端本將此諭亦通知何世堪遇有玷辱士林

行止不端者爾等其秉公竭力共相戒懲治之愈嚴方  
是真實扶持聖教處假若沽一己之私名壞朝廷之法  
度甚至縱姦擾民聖賢有靈斷未有將此等居心行事  
而許以為崇儒重道也近年來各省刁頑衿監挾制有  
司欺壓小民或將本地封疆大吏竟敢造作歌謠任情  
譏誚此等囂風甚屬可惡爾等若不為朕竭力挽回則  
是不能助朕崇儒重道相為始終也勉之特諭

浙江巡撫臣黃叔琳謹



奏臣到任甫半月又值武闈考試旬日謹就臣所見

朕亦聞其聲名甚好爾宜與旗下兵弁總如一家人一

般勸善懲惡和同而行方為得當鹽臣噶爾泰人可大

用醴務尚不盡所長此入未必久於此任朕即欲另

聖主委任至意布政使王朝恩器宇凝重為人謹慎頗

可用

可同心辦事按察使王之麟久任浙中精力漸衰

人情不無玩愒惟寧台道陳受漣行止不端署紹

興府事聲名甚劣仰請

特旨將陳受漣罷斥以肅官方至卓異理事同知特晉

莫非預聞朕旨而為此奏乎

德審理旗民詞訟公平允協甚得民心臣前面

奏請以陞銜留任業蒙

聖慈俞允伏祈

自然發回

勅部發回浙省於地方實有裨益再臣於二月二十一

日跪領

訓旨時蒙

大計甚不妥協

吏治雖較前稍好然猶偏於姑息

皇上面諭浙江吏治平常福建大計亦不甚妥總督滿

熟練地方

保辦事有才心地亦好今年大計不甚好想是操守

但

還信<sup>伊</sup>不過爾到任後可寫書與他<sup>寄勸其勉之又功</sup>欽此臣遵

旨已寫書與總督滿保訖至提鎮武職官聲及訓練勤  
惰臣當密訪另摺奏

聞為此謹

奏

朕前面諭之旨爾記憶差悞矣朕將錯訛之處俱已改  
明爾其另寫書函寄與滿保可也

浙江巡撫臣黃叔琳謹

奏臣奉

命撫浙兼理北新南新海關稅務臣駐劄省城與海關  
相去數百里全賴委任得人方無貽誤查寧波府  
同知趙永譽才具頗優人亦謹飭前任撫臣朱軾  
委管南北兩關從無缺額現在管理海關剔除陋  
弊商民悅服近准直隸撫臣李維鈞咨趙永譽因  
伊父原任霸昌道趙宏揆虧空朋建銀兩例應解  
任追賠發追完日仍補原官嗣據該員詳稱伊父

所欠銀兩已經變產設措於三月十五日差家人齎赴霸昌道庫完繳懇賜

題明等情臣思關稅甚屬緊要趙永譽既稱家人將所欠銀兩齎交道庫伏乞

聖恩將趙永譽暫停解任容臣移咨直隸撫臣查明趙永譽所欠銀兩如果已完將趙永譽

題明仍留原任以觀後效至關稅錢糧臣不時嚴查

倘有移此完彼情弊立即糾參不敢少有瞻徇臣

從權務起見伏祈

皇上睿鑒施行為此謹

奏

趙世顯如何得有好孫且趙宏揆昏庸不孝又豈得有  
好子此等惡裔留於屬下非爾之福他日或受其牽累  
雖悔無及矣令其解任發追為是

浙江巡撫臣黃叔琳謹

奏竊臣初到地方諸事未諳因管理關務猝難得人

謬謂寧波府同知趙永譽可以辦事冒瀆

奏請暫留原任蒙

皇上硃批諭旨指示周詳

念臣一時輕信將來必受其牽累後悔無及

訓誡諄切臣跪讀之下自知智識短淺遇事輕率感激  
天恩倍切惶悚惟益加謹慎以仰副

高厚生成之德即日委紹興府同知閻紹馳往署理海

關稅務嚴查趙永譽經手錢糧勒限清楚即押解

直隸撫臣衙門外理合奏

謝伏乞

皇上睿鑒謹

奏

爾到任未久看來於薦舉人處頗涉輕率嗣後當加慎重知人則哲惟帝其難之豈可易視耶如果屏盡偏私平心鑒別或能彷彿一二勉之

浙江巡撫臣黃叔琳謹



奏竊惟浙省額編錢糧為數繁多近年以來歲偶旱  
荒小民力難完辦經徵有司每屆奏銷期迫恐受  
叅罰或以欠捏完或那緩應急就十一府之中嘉  
湖金溫四府為尤甚已叅之虧空現准部咨分別  
有著無著按年勒追矣未發覺之虧空皆上下掩  
飾新舊欺朦或以俸工扣捐填補或欲將應送上  
司節禮知府盤庫陋規抵償今俸工已奉

旨支給不敢再議扣捐至節禮盤規並無完解徒滋不

肖有司藉端加耗累民凡此皆已故藩司傅澤淵  
有以釀成之也臣抵任以來現在清查各屬倉庫  
倘有虧空著落該印官照數彌補如不能補足接  
任官揭報虧空者臣即據實

題叅照例責令知府分賠今查藩司傅澤淵任內有

分賠須有實濟方好

因公那用庫項原詳議將雍正元年以前俸工歸  
補又有海塘樁木變價及買米平糶等銀約二萬  
五千七百餘兩因傅澤淵那帑未清庫項難懸據

咸能

如此方稱實心奉公為國計任怨者也

現任藩司王朝恩已勒追傳澤淵家屬按數補庫  
訖俟屬縣解到照原款給還傳澤淵家屬收領臣  
查傳澤淵身為藩司受

恩深重在任不能盡力報効以致浙省屬員倉庫不清

此

料理殊為允當所有前項扣捐雍正元年俸工等項應還傳澤淵

家屬之銀不准給還將此項抵完各屬無著虧空

銀兩不特虧帑得完凡司出納者咸知警惕矣伏

乞

皇上睿鑒謹

奏

知道了

浙江巡撫臣黃叔琳謹

奏臣查浙江十一府屬二麥收成約有八分蠶絲約有七分杭嘉湖紹金衢嚴七府米價約一兩四五錢麥豆價約一兩一二錢寧台溫處四府米價約一兩六七錢麥豆價約一兩三四錢不等祇緣四

月以來雖有雨澤未得霑足所以糧價仍貴今當  
插秧之際倘得早沛甘霖便可及時播種臣又歷  
查浙省錢糧從前拖欠原少後因連歲歉收遞年

壓欠自康熙五十四年起至六十一年止歷年俱

屠沂原係庸常人但知有已而不知有國者當效法未

有未完錢糧經前撫臣屠沂

軾莫學屠沂

題明將五十四五六三年舊欠於六十一年帶徵五

十七八九三年舊欠於雍正元二三年分三年帶

徵欽遵在案但浙省當災祲之後目下二麥雖收

民力未紓若新舊數年錢糧一時並徵小民必艱  
於輸納伏乞

皇上將浙省五十四五六七年未完銀一十一萬八千  
餘兩姑緩徵半年統於雍正三年徵完其五十八

多緩

年起至六十一年止此四年舊欠約銀一百三十

餘萬兩可否從雍正四年起至雍正七年分作四

之豐

年帶徵自然易於完納而民力亦紓仍督令經徵

行也

之有司督催之司府務於每年

奏銷之前照數全完如再有未完加倍嚴行治罪倘邀

聖恩俞允伏乞

特頒諭旨浙省億萬窮黎共沐

皇恩於靡既矣謹此具摺奏

聞仰乞

皇上睿鑒施行謹

奏

各省錢糧若皆如此特頒諭旨天下百姓觀望不前孰肯爭先輸納此風之起蓋緣

聖祖寬仁屢下蠲免之詔無知小民遂生微倖之心少遇歉收即欲藉端誣延逋欠盈千累百積至數十年總期一免而已爾等封疆大吏應將國計民生並重不宜偏看若以此等作為妄干民譽免屬員之叅罰冀圖感激惟將火耗贏餘立義學建書院以沽重斯文之虛名一任刁頑衿監抗糧欠課而不問在他人尚且不可況爾



受恩深重更不當蓄此種意見也朕於去歲加恩浙省  
亦可為深厚矣爾雖初到亦當代浙民知感今具此奏  
復不肯密再宣傳此諭則恩怨必有所歸朕何嘗不願  
地方上感激爾等然亦不使怨望於朕方可若令止感  
爾等而怨朕則又豈朕所樂聞耶此事朕亦未必不允  
但爾須再加酌量如萬不得已當具疏題請豁免緩徵  
帶徵徒有名無實於百姓何實惠之有從來吏治以催  
科撫字兼論豈可將國賦則分作七八年帶徵虧空則

叅官著追而問成那移以示寬仁至數年後報明家產  
盡絕究於錢糧無補偶遇歉歲則具疏題免此等督撫  
人孰不能爾倘如此居心殊大負朕之委用矣朕意必  
係刁頑矜監鄉紳或不肖屬員慫慂爾為此一奏此奏  
朕甚不喜而疑之斯事候佟吉圖到藩司任後二人共  
相商酌果有難以措置處二人聯名同奏朕自有裁處  
此外至如虧缺錢糧盡歸無著以邀寬譽將一切事件  
置之不理俱推却前任以圖省力自便之舉均屬不可

而徒見棄於朕惟當殫心設法徐徐深籌國計庶不有  
辜知遇耳苟能大法小廉數年之間何難公私清楚若  
似此但知顧己之名而避難就易圖省心力於莅任之  
初具此摺以收官民之心是則是矣其奈朕意不然何  
此一事爾大失輕重之宜矣

浙江巡撫臣黃叔琳謹

奏竊查原任山西平陽府知府馮國泰虧空錢糧一

案臣蒙

皇上聖諭留心料理臣抵任後晉省差員劉芳璧已經

回山西訖隨即查案并咨詢前撫臣李馥計馮國

泰名下家產估勘銀一萬一千五百五十兩零原

任河南南陽府知府沈淵認還銀六萬一千兩外

又前任平陽府知府祝增等借欠銀一十三萬九

千一百兩共銀二十一萬一千六百餘兩俱經李

馥備造細冊咨覆晉省聲明聽撫臣諾岷查訊具

題行追應候

旨遵行今查沈淵名下銀六萬一千兩為數獨多此係  
自己認還之項無庸晉省再行查訊臣嚴加勒追  
已於四月內交過庫銀三萬兩餘欠銀兩自限於  
五月內還足但臣於四月初十日准晉省撫臣移  
咨內稱馮國泰之子馮毓美供沈淵於六十一年  
三月內取伊銀三萬二千兩代為生理又欠捐納  
銀七千兩咨追補完虧空等因臣復一并勒追沈  
淵堅不承認願赴晉省與馮毓美面質等語臣將

沈淵在浙認還銀兩追清之日即當嚴押赴晉與  
馮毓美質審臣又於閏四月二十六日復准晉省  
撫臣浴稱馮國泰之媳張氏并幕客黎一謙所供  
各欠內在別省者晉省徑行浴追外其楊沛蒼祝  
宣朱煌吳問琰董大呂五人計銀二萬四百兩此  
係浙省之人聽臣查追臣現在嚴行勒追并同馮  
國泰估變家產另行具

題完結為此謹

奏

此輩頗慣造言生事株連無辜之語竟達朕耳然朕豈  
為所搖奪耶徒可發一笑耳爾向來未經承辦類斯等  
事倘被狡詐之徒誑詞愚惑而優柔以處之於爾分中  
大有干係况狐鼠羣黨何足深惜若輩亦只可自怨自  
艾何不幸而為馮國泰之親友而從前受其沾潤也倘  
其中實非瓜葛確係冤抑誣枉牽連者爾亦當據實奏  
聞朕自予以省釋假若瞻顧情面少留地步而不實力

嚴行督追恐將來株連者漏網而汝等地方大吏之株連反難脫也此事絲毫無容寬假特諭

浙江巡撫臣黃叔琳謹

奏臣蒙

皇上面諭訓練標兵其通省營伍亦著留心欽遵

聖訓到任後即嚴飭臣標中軍遊擊并杭協城守副將等不時操演毋致懈弛臣自出武闡即准部文遵旨會同將軍臣安泰查追何廷圭尅扣軍餉一案未得



刻暇今於辦事之餘親往教場較閱本標及城守  
將備兵目隊伍盔械俱各整齊鮮明查點各營名  
糧除酌留隨丁外並無虛伍冒餉之弊其通省營  
伍雖非巨轄敢不凜遵

聖諭逐一體訪確實另摺奏

大有情面諒矣

聞至如提督臣鍾世臣人本寬和從前拔補標弁未盡

下愚如何可移

庸常

吏屬

秉公近日頗知悛改温州總兵戴坤處州總兵王

庸常

安國皆勤於操演馭兵有方克稱厥職定海總兵

此人

不堪朕久欲黜革

諭部調分

金宏聲縱子貿易海洋營私滋擾黃巖總兵林達

來看

庸懦無能不能約束弁兵臣莅任未久就臣所見

據實奏

聞謹

奏

覽

浙江巡撫臣黃叔琳謹

所奏極是朕正欲降旨命察

奏竊台州府知府高泓賦性昏庸廢弛政務經臣具

疏

題叅請

旨革職所遺印務遴委温州府知府芮復傳署理但台  
郡所屬六縣負山濱海俱係緊要地方且民俗刁  
悍素稱難治知府一官有表率彈壓之責必得廉  
明強幹之員方克勝任伏乞

皇上特簡記名人員補授台州府知府迅發赴任庶於  
海疆要區大有裨益矣謹

奏

已諭部揀選發往但此等揀選之員俱非朕所深知之人係爾在京所素悉者到任後體訪驗看倘或不稱厥職一兩月之間即奏請更換亦不妨

再聞紹興府知府姚鈴才具不能治理繁劇或調簡或令告休俱可此缺當題補特晉德其同知事如可無理仍令伊兼管同知可也又聞衢州知府靳樹德聲名平常若無大過猶堪任事爾訓伊改勉倘才具亦屬平常

應作何發付具摺奏來又聞秀水縣令閔汶人甚庸常  
不勝其任凡此皆朕訪聞之言不盡以為確爾其秉公  
據實察奏不可枉抑亦不可徇庇徒為他人任將來之  
過咎也

浙江巡撫臣黃叔琳謹

奏竊浙省南新北新兩關自康熙五十五年歸併巡  
撫管理以來臣查南新關稅銀五十九年以前並  
無虧欠北新關稅銀及所報贏餘銀兩五十八年

以前亦皆全完此後前撫臣所委收稅各員俱有  
未清南北兩關通共欠五十九年六十年及六十  
一年稅銀五萬七千一百四十餘兩查兩關稅銀  
未奉加額以前按數收完之外北新關尚有贏餘  
南新關亦牽算清足加額之後適逢浙省地方連  
年荒旱客貨減少致有缺額歷年於奏銷案內業  
經將缺額之處

奏明但原報全完之項難容懸欠臣現在勒催完補

外至本年稅銀南新關於閏四月內一年期滿額  
該銀三萬六千二百四十七兩零雖有抽分尚無  
起解北新關應於六月內一年期滿額該銀一十  
六萬三千五十三兩零僅完過銀一十一萬五千  
五百餘兩兩關虧欠甚多何以克副例限臣查關

稅錢糧近奉

雖有減除原額之旨須將額外羨餘據實奏明庶以考

恩詔有減除之

其優劣若一任歸之私索則是朕恩皆施於貪官污吏

曠典而管理之員務須精白乃心弊端屏絕庶足以仰

矣於商民國課何益之有亟當勗勉司事屬員不得沽

副

名鈞鑒以悞稅務

恩綸浩蕩查通省府佐之中臣俱未能深信且各有職

司不能兼顧不便遽行

題委臣查有行人司捐陞主事張崇禮候選主事同

知趙方觀為人老成謹慎伏乞

皇上敕下吏部將此二員引

朕即將此二員發來亦須任事四五年後至應補時方

見迅發來浙令其分理兩關稅務清釐舊欠剔除叢弊

可題補兩原為地方官不能分身魚顧起見並非為地

該員委任之後如果實心任事稅銀不缺俟有本



方官不肯實心辦理也今止以實心辦事四字即用為

現

任

同

知

殊

與

例

理

均

屬

不

符

省同知缺出即便具

題補用倘於正額有缺按數責令賠償如有贏餘不

敷臣

奏明請

旨定奪庶於

國賦有益謹

奏

其張崇禮等引見畢候朕酌定

浙江巡撫臣黃叔琳謹

奏浙省鹽徒私販一事臣到任後即嚴飭印捕防汛  
官弁督率兵役水陸查拏又稽查場竈以杜興販  
之源復密訪積窩募人首告務期盡絕根株近來  
漸已斂跡查私販鹽徒固屬不法亦因歲歉饑民  
貪圖微利遂致三五成羣肆行販賣今查拏既嚴  
二麥亦登仰仗

皇上福庇今歲秋收豐稔便可上紓

聖慮矣再查江南鎮江府京口以南皆行浙引北岸之

瓜洲即食淮鹽一江之隔淮浙毗連非曰浙侵淮

且了

兩本省職分中事吳竭忠誠著有效驗則江南之

境即云淮越浙地臣愚以為江浙兩省之督撫提

督撫

提鎮自必抱愧而相效法矣

鎮若皆協和辦事勿以各省而分彼此務竭忠誠

以報

聖恩不但私梟屏絕即兩省軍民亦咸慶樂利於無疆

矣再滿洲官兵查緝私鹽臣徧察輿情僉云兵少

不足以資巡緝兵多又恐震駭鄉農且營汛弁兵

已有旨矣

反得借以推諉似應停止伏候

聖裁謹

奏

知道了

浙江巡撫臣黃叔琳謹

奏竊臣蒙

皇上天恩畀以巡撫重寄抵任後惟念浙省錢糧繁重  
國帑所係時刻留心體察如鼓鑄銅斤一項浙江承

辦三省每年額辦銅一百六十六萬三千一百餘斤自康熙六十一年委嘉興府叅草知府吳永芳承辦以來止將該年上運銅斤按數辦解其六十年下運銅八十三萬一千五百餘斤據吳永芳稱已陸續交部至今尚無批迴呈驗又雍正元年上運銅雖報起解並未報部下運銅止報洋船進口先有銅二十一萬餘斤未見報交臣飭提吳永芳嚴追雖稱發價在商洋船未到但虛實未定銅

斤倘有不足著落承辦之知府吳永芳及原委辦  
之已故藩司傅澤淵家屬照例分賠庶銅價不致  
無著又雍正二年上下運銅斤係前任撫臣李馥  
自行承辦據稱將價銀發與洋商採買其船未到  
等語李馥現今往揚州質審江國英一案俟其回  
浙臣即勒催清項必不任其稍延倘李馥從中自  
有染指不清之處臣即具疏請

惟在實行不在虛言

旨定奪斷不容其稍有虧空致負

皇上天恩也至臣應辦雍正三年銅斤因東洋出產不敷現在另疏

題請伏乞

聖慈垂鑒謹

奏

雖云出產不敷亦須設法購辦鼓鑄之需豈容缺乏爾前在部時係悉知者自有廷臣公議朕亦不得而私之也

諭浙江巡撫黃叔琳我國家自定鼎以來輕徭薄賦小民之輸將自當踴躍向前乃竟有累年拖欠不完者其故多由包收代納之弊如浙省之里書其害尤甚聞此役率皆祖父相承掌管一里之糧銀悉憑收解以致有需索花戶并飛灑侵蝕等弊官民均受其累著即嚴行禁革倘州縣仍違禁私用立予叅處至於徵收賦課全憑冊籍務須挨戶清造方可按名催比慎毋因循慢忽致滋混淆特諭



浙江巡撫臣黃叔琳謹

奏為欽奉

上諭事臣於本年五月十六日奉到浙省徵糧

上諭臣查浙省丁田賦額屢有拖欠

皇上無微不燭洞悉掛欠之由皆因里書侵欺作弊夫  
里書者即里長革後之別名迨屢禁而屢易故又  
有糧現冊書架書等名目數更不一而手握一里  
冊籍飛灑侵蝕名異弊同洵為糧賦之蠹從前撫

浙諸臣原皆禁草日久弊生不無陽奉陰違今臣  
仰遵

聖旨復又通行嚴加禁絕已據各州縣陸續申送不敢  
違禁復用遵依在案臣又不時體訪如有私用害  
民者立行叅處至徵糧冊籍各該屬俱係挨戶開  
造實徵細冊按照催比不敢容其稍有混淆不清  
謹

奏

此等事乃公爾忘私國爾忘家矯苟且因循之陋習秉  
堅忍不拔之志趣者之所能非爾輩隨境而遷沽名釣  
譽具一片私腸者之所能也不過於紙上言之好聽耳  
觀爾奏摺中已明露自暴自棄之心如云從前撫浙諸  
臣原皆禁革而不能除之弊何況黃叔琳中材以下之  
人豈能遽然禁絕耶爾審若不能當明白奏聞以便朕  
另簡能辦者前來料理

諭浙江巡撫黃叔琳聞浙江沿海一帶窮民多赴場竈

販鹽餬口今值雨水調勻農夫力作之候爾須乘時設  
法勸諭歸農俾各得所其有不能盡歸農者可會同噶  
爾泰計議或暫令即於場竈納課以開其資生之路或  
以庫帑收買竈戶餘鹽以杜其私販之門從前地方各  
官以鹽務為無預已事率皆任其破壞而不問亦甚非  
和衷共濟之義爾當與鹽臣協同商酌辦理須於鹽政  
無虧方為兩全之道向後類斯有關鹽政而無礙於地  
方可以變通之處爾等勿拘成例斟酌奏聞亦不可因

朕此諭而勉強遵奉議行總期於是當而已特諭

浙江巡撫臣黃叔琳謹

奏為欽奉

上諭事臣於本年五月十六日奉到浙省鹽政

上諭臣查浙省地方連年歉收貧民乏食輒赴場竈販  
賣私鹽情雖可憫法實難寬

皇上以天地之心為心軫念窮民特頒

諭旨令於場竈納課或以庫銀買竈戶餘鹽臣現飭商

人於各場竈收買在案其暫於竈場納課之處因  
場地俱有竈戶管業輸丁完課別籍民人無從撥  
授若即令其在場納課販鹽又慮紊亂釐規以滋  
弊端今臣與鹽臣噶爾泰協同酌議一於濱海產  
鹽處所將鹽場要隘私販路徑添撥弁兵看守把  
截一於現行保甲督查窩頓如有違犯保甲連坐  
地方有司照失察例叅處一訪拏護梟地棍嚴加  
治罪一將地方船隻編號給照如此則場竈既清

其源餘鹽又歸商人運售底積弊可除私販杜絕  
矣再從前地方官員不無岐視鹽政誠如

聖諭臣當加意整飭各屬務令與鹽法衙門協同商酌  
辦理以期釐政有裨倘仍前因循玩忽臣即據實  
糾叅請

旨從重處分再此後凡有關於鹽政無礙於地方可以  
變通之處臣即會同鹽臣

奏請為此謹

奏

所奏已悉但不以國計沽買一己之虛名即可矣

諭浙江巡撫黃叔琳從來稂莠不除嘉禾不長為國家  
者欲綏戢人心整飭風俗首在黜邪崇正聞浙江地方  
頗尚邪教每妄立名號巧作幻端聚衆燒香惑誘愚民  
此輩踪跡詭祕姦回莫測若不早絕根株俾致滋蔓則  
大費翦除矣爾當嚴飭所屬各官密訪首惡重究示懲  
但須授意素所倚信之人使其設法偵察慎毋通行緝



捕以致擾民駭衆其附教愚民如能去邪歸正即予寬  
釋有首報渠魁者隨量加獎賞務令姦萌潛消暗熄風  
俗人心一歸於正設或因仍苟且不行查禁及詰姦無  
術激出事端該管各官一併治罪朕斷不寬貸特諭

浙江巡撫臣黃叔琳謹

奏為欽奉

上諭事臣於本年五月十六日奉到黜邪崇正

上諭仰見

皇上注念東南人心風俗至意臣欽遵

聖諭訪聞浙省向有一種無為教名色蠱惑鄉愚出錢聚會念經禮拜男女混雜敗壞風俗又一種年老婦人號曰師娘婆偽稱神佛降身妄言禍福哄騙錢財此亦邪教之類但愚氓錮習既久尤於村野居多臣當逐漸悉心開導俾其去邪歸正並密飭屬員留心察訪並不聲張擾民如查出為首之人即嚴行治罪有能出首者即行獎賞務期邪教屏

絕風俗人心一歸於正仰副

皇上睿懷謹

奏

此當徐徐而行之事非急務也但須時刻留心不可日  
久而怠

浙江巡撫臣黃叔琳謹

奏為請

旨事臣查浙省溫處道蔣敷錫因盤查一案經督臣滿

保會疏

題叅所遺員缺甚屬緊要必得廉明強幹之員方克  
勝任仰祈

皇上特簡賢員補授迅飭赴任庶臣得收臂指之效再  
紹興府地方健訟事繁素稱劇郡現任知府姚鈴  
謹飭之守有餘繁劇之才不足查處州府知府蘓  
稷亦因盤查一案會叅處州地僻事簡請以姚鈴  
具本奏來  
調補處州府知府庶人地相宜其紹興府員缺有

理事同知特晉德熟諳民情才堪理劇原係卓異  
應陞之員請以特晉德補授紹興府知府必能整  
飭地方克盡職守至理事同知有審理旗民訟獄  
之責紹興離省百里勢難彼此兼顧伏乞

皇上另簡賢員補授再衢州府知府靳樹德性情雖覺  
褊急年力尚堪策勵臣遵

諭飭令改過以觀後效合并

奏明謹

奏

所奏俱悉其理事同知事務能否兼理之處問明特晉  
德若伊自云不能再行奏聞

浙江巡撫臣黃叔琳謹

奏竊臣才庸任重時懼弗勝於地方事宜繕摺具  
奏俱荷

天恩批發凡臣知識未到意見謬誤之處蒙

皇上指示周詳訓誡明切臣跪讀之下如迷得悟惕目

警心感悚交集從此奉以遵循冀或免於罪戾所  
有本年五月十六日奉到

上諭三道又前後

硃批奏摺共十二件理合恭繳又於六月初十日署布  
政使臣佟吉圖口傳

諭旨臣跪聆欽遵并

發到王一導奏摺二扣臣現在詳查確議容一併繕摺  
另覆伏乞

皇上睿鑒謹

奏

若不誠切凜惕知過思改則寶難免於罪戾也爾等為朕所擢用之人非比李紱等係向日

聖祖之所簡用者朕猶可為之寬假爾等若不慎勉職守少損朕之政治功名之外豈止身家而已哉慎之

浙江巡撫臣黃叔琳謹

奏竊時屆三伏正田禾望雨之際浙省自五月下旬



二十餘日未雨農夫竭力車戽河流日淺於六月  
初十至十一十二等日晝夜大雨四野霑足河道  
通行詢之鄉農僉云今當大暑節氣仰賴

聖主福庇甘霖大沛田禾暢茂從此再得雨水接濟年  
歲便是大熟目下早稻現在收穫有八九分共享  
盈寧之福等語復據杭嘉湖寧紹台金衢嚴溫十  
府屬陸續申報得雨日期相同其處郡未據報到  
現在行查至於米價上白米每石一兩六七錢私

米一兩二三錢麥價每石九錢其浙東地方早稻  
收穫之處新米每石價銀止九錢四五分此後再  
得甘雨時沛米價便可日減為此謹

奏

晚稻收穫之時其據實奏聞

浙江巡撫臣黃叔琳謹

奏浙省於七月十八十九兩日風雨大作晝夜不息  
竊慮沿海處所風潮為患臣正委員分往查看據

杭屬仁和海寧二縣報稱七月十八夜至十九日

早風大潮湧衝開大厦坊周家壩等處海塘居民  
房地被淹禾苗浸沒等情又據嘉屬海鹽平湖二  
縣報稱七月十八九日風潮冒過塘堤流入城河  
浮橋湧斷衝坍乍浦南門坊周家堰等處屋宇漂  
沒等情又據紹屬山陰會稽蕭山餘姚上虞五縣  
報稱七月十八晚至十九早風雨勢驟潮水淹沒  
附近居民塘堤損壞等情臣即飛飭布政使佟吉

圖糧儲道徐琳分往各屬督同地方官逐一確查  
衝損塘堤多備人夫工料星夜搶修捍禦保護田  
畝被水民人多方拯救又委鹽驛道王鈞查勘鹽  
場竈戶一體拯恤以仰副

皇上軫恤黎元至意其寧台溫三府沿海郡邑有無泛  
溢一并檄行防護為此繕摺奏

聞謹

奏

朕悞用爾為浙撫

上蒼當昭示此災異乃朕之過追悔何及與爾無涉也

硃批諭旨卷十七

欽定四庫全書薈要卷七千八百九十七

史部

硃批諭旨卷十八

硃批王璣奏摺

江南江常鎮道臣王璣謹

奏為請免河工舊欠以清塵案以廣

皇仁事伏查康熙四十年河臣張鵬翮所

題各員欠帑共九十餘萬兩內有未領帑銀而開入

者有已做工程而不算者有奉文發帑印據煌煌

領去而不准開銷者有已辦料物不收以致朽爛而指為欠帑者天高莫訴飲泣含冤此臣於本年四月間赴淮揚查勘淮安山陽宿桃等處水淹荒地詢訪河工利弊得悉其詳蓋自河臣叅奏迄今二十三年追呼敲扑瘐死囹圄逃亡過半累及子孫難以枚舉稽之冊檔完納寥寥雖其中亦有未做工程未辦料物者乃其自作之孽夫復何辭然不過十之二三耳其他做過工程日久塌卸或辦



過料物年遠朽爛槩令追賠情實堪憫自有追賠之案其間借帑扳害殃及無辜又不知凡幾雖有追比之名終無完補之實故河臣趙世顯有開例補還欠額之請業奉

聖祖仁皇帝俞旨允行在案今河工捐例已溢欠數可否特恩勅令河臣確查分別豁免俾困累人員得有更生之日不致沉淪瘝斃以彰

聖朝寬大洪仁永歌

萬壽無疆矣謹

奏

朕已洞悉此事不待爾奏亦非爾小臣所當冒昧陳奏者其中情理朕無暇瑣瑣備諭爾知

江南江常鎮道臣王璣謹

奏為清查僧寺以靖姦盜事竊臣伏查會典僧尼必以度牒為照今無藝游食之徒每借出家為名擅自投師披剃其師又罔究來歷不查素行一入菴

寺坐食逍遙其中戒律精嚴勤心經典者不過十  
中一二至如無藉匪類借此潛蹤或因犯事懼法  
逃身託跡藏垢納污莫可考詰者所在皆有臣於  
八月間署理臬篆審訊姦盜等案徃徃強人聚集  
多在寺院間有僧人同夥行劫他如因姦致命流  
毒地方尤難枚舉近閱卽抄撫遠大將軍所題  
天威遠振西海蕩平善後十三條口外喇嘛尚請給以  
度牒以查姦宄則內地僧人豈容私自披剃以應

仍

勅禮部頒發度牒於直省藩司通行府州縣查明各寺  
菴觀僧尼概令輸請度牒如無度牒者即令還俗  
嗣後凡情願出家之人查明合例許其披剃即令  
赴司請領度牒填明年貌籍貫并取識認保結每  
給度牒一張有力者輸銀十兩無力者輸銀五兩  
總歸藩庫年底彙解充餉其尼僧年過三十者方  
許照僧人一例查明請給度牒准予削髮焚修其

府州縣鄉鎮一切寺廟菴觀但准修理不許蓋造  
恐勞民力復損民財也如有違犯照律治罪倘蒙  
俞允勅部通行直省實力遵行一年之內上可為  
國家增數百萬之餉下可清釐姦盜之源矣謹

奏

所奏斷不可行殊屬書生習氣釋教相沿已久止可將  
其中犯法為非者隨事處分而已若竟欲排斥無遺以  
沽道學之名則禍不旋踵矣此等分外多事之想皆可

不必反誤爾本任內之責況從古亂臣賊子中未嘗無讀書人豈可因此而遂憾及孔孟乎爾謬矣

戶部左侍郎臣王璣謹

奏為奏

聞事臣蒙

聖恩予假歸里已於八月十八日出京南下閱歷州縣知各處雨暘時若咸慶有秋第有一二處所稍受水患如山東之德州禹城江南之宿桃清河等縣

所屬低窪之地被水少減分數即南北大路亦恒  
多水浸每須繞道而行揆厥所由大道兩傍溝洫  
不通以致雨水無歸間有溝渠在傍者又皆葑泥  
壅塞倘得開濬深廣水由地行即以所起之土填  
高中道不特田疇永保收穫即行旅往來皆得經  
由坦道不揣冒昧具摺瀆陳伏祈

睿鑒至臣雖奉

旨歸里而依戀日深今已於九月十五日舟抵嘉禾惟

候

特賜臣母封典到日即當迅速將臣母身後沾

榮諸事辦完銷假赴

闕謝

恩合將臣歸里日期先行繕摺陳明謹

奏

覽

東省通京大路朕向欲修理候另降諭旨施行



總理清查江蘇各屬錢糧戶部左侍郎署理蘄州  
巡撫印務臣王璣吏部右侍郎臣彭維新謹

奏為奏明請

旨以便清查事竊臣璣接印受事日期已經循例

題報今臣維新於三月十六日到蘇其分查大員尚  
未到齊臣等會同酌計派查地方約需六十餘員  
方足分任俟分查大員續到公議各舉所知并於  
雜職人員內遴委派用再行奏

聞但清查全憑款冊臣等現在飭催各屬攢造清冊會核隨據司道會議詳稱奉

旨以康熙五十一年起至雍正四年未完地丁錢糧八百一十三萬八千餘兩一槩暫停徵比以待清查惟是江蘇各屬地丁漕項等銀向例一條編徵輸民間不分款項完納今停徵符額之外尚有蘇松江安二糧道冊報未完節年均徵之漕項屯折錢糧及雍正二三四年来完存留俸工損脚漕項雜

辦歲夫等銀共二百八十一萬七千五百三十兩  
零不在奉

旨停徵額數之內其中各年有無徵存續解現在清釐  
等語查此漕項等銀在官原係分欸起解在民實  
係一總輸納若不據實奏明請

旨一併停徵則漕項等銀仍在催科之列清查之際小  
民恐難周知而胥吏亦易滋弊臣等未敢擅便謹  
會同合詞請

旨可否將此漕項等銀並

敕暫行停徵俾得畫一清查統俟清查告竣容臣等仍  
將先後停徵二項分析繕冊進呈

睿覽謹

奏

所奏甚是此乃前諭之疎畧處隨另有旨諭部行知

戶部左侍郎署理蘇州巡撫印務臣王璣謹

奏為密奏事竊臣據蘇州營遊擊賀喜臣標中軍遊

擊武進陞密稟三月二十四日據兵丁顧鶴首稱

管隊孫起龍告知有顧忠思糾伊入夥為匪等情

臣隨密諭蘇州知府會同獲犯查訊據孫起龍供

於上年十二月間因兵丁雷彩文即張寶併開茶

館之崇明王四及忠思之姨甥王連王二在顧忠

思家喫飯忠思囑尋好漢一二十人要在蘇州將

來圖大事小的見其狀似癡顛置之不理今年二

月遇見又說此話故此害怕出首及訊顧忠思供

因妻病愈酬神有姨甥王連王二來望隨留散福  
適王四張寶孫起龍相繼而至亦留酒飯原說結  
拜兄弟有事可以共相保護等語取供稟覆到臣  
臣復親提密鞫忠思狀貌愚蠢不堪王連王二又  
皆年幼細加窮詰并在其所居室內徧搜毫無為  
匪形跡可據除現在再加究審務得確情另  
奏外理合先具密摺奏

聞謹

奏

雖無為匪形跡其為匪人也必矣以愚蠢年幼二語開脫之可乎當嚴加究處不可仍留本土其賀喜武進陞等若不加以此獎借而露不豫之色或以多事責之則非以寧謐封疆居心者也地方上偶有此等舉動即時發覺乃極好之事慎毋因其小而忽畧之

戶部左侍郎署理蘇州巡撫印務臣王璣謹

奏為恭報二麥茂盛情形仰慰

聖懷事竊臣自出都以來經過直隸山東一路二麥方始出土及入江南之境即見麥苗盛發業已青蔥遍野抵任之後詢知江南地方今年正月屢降瑞雪繼以晴明土膏滋潤是以麥苗之盛勝於往年通查各屬大抵皆然將來自必豐收除查明收成分數另行具

奏外所有二麥茂盛情形合先具摺恭慰

聖懷謹



奏

覽奏麥苗情形實慰朕懷但當刻刻以誠敬自持必待  
秋成後方可釋慮慎毋預期妄擬謂將來自必豐收遂  
輕出諸口而肆其志惟務感召

天和力行不怠庶望

上蒼之垂恩佑庇也勉之

總理清查江蘇各屬錢糧戶部左侍郎署理蘇州  
巡撫印務臣王璣吏部右侍郎臣彭維新謹

奏為欽奉

上諭事竊照江蘇等府屬積欠錢糧特奉

諭旨停徵清查復蒙

天恩准包攬侵蝕之人自首免罪仍分年交納臣等仰  
遵

訓旨刊布

上諭徧貼城鄉各處所良民固知感頌

聖德即從前侵漁舞弊之人亦漸生悔悟除一切清查

事宜先經布政使臣趙向奎擬有規則臣等公同酌定業經通行各屬繕造確冊以備清查外所有欽定分查大員九人俱陸續齊集蘇州祇受印信前往辦事其協查各官在部揀發者則有魏化麟楊維祖等二十三員又李庚星徐日烱二員撫臣尹繼善保題者則有羅繼洪江之煒陳陞誠嚴接等四員臣等保出者則有孫琰王不黨二員俱准有部文知照以上共三十一員內魏化麟嚴接已經題

補江陰金壇二縣江之煒已經委署嘉定縣印外  
實存二十八員其餘不敷之數臣等總理及分查  
大員并奉

旨與聞之浙江督臣李衛各舉所知者復有鄭金等二  
十二員以上合計共有五十員內中尚有數員未  
到容俟到齊之日一并開列職名分析某人所舉  
再行繕摺恭呈

御覽現在先到各員臣等即酌量派往再四嚴飭務期

錢糧徹底澄清地方絲毫無擾以仰副

聖主軫恤民瘼釐清積弊之至意臣等謹會同合詞具

摺奏

聞謹

奏

總以秉公飭委實力察核為要汝等此番事之成敗利  
鈍全在彼數十人委用之當與否也若少涉私徇則萬  
不能妥協為害於汝等者實非淺鮮於此要見透方好

戶部左侍郎署理蘇州巡撫印務臣王璣謹

奏為戰船宜歸營修據實直陳仰祈

聖主採擇事竊臣查修理戰船一事前督臣查弼納任  
內遵

旨確議定為蘇鎮揚三總廠委令道將總理仍各遴委  
廳備分司其事而竟不歸營修者營員多以鳩工  
辦料呼應不靈且地處濱海物料皆非土產遠道  
購求盤運多費弁員亦不敷用恐誤汛守為辭臣

查修船匠料原俱平價僱買小民之手藝營生與  
商賈之挾資貿易均之求利而已初不因文官而  
樂趨亦不因武職而畏阻也況油鐵各項出自江  
楚既不盡產蘇揚而樟杉巨材出自閩浙更以沿  
海運送為便惟是官弁委用必須熟籌汎守所關  
不容不慮因查本營之船隻即令本營之官承修  
則人船原未相離初無礙於汎守且專任管工自  
有本船捕舵其於平時操練更屬兩不相妨而採

辦物料止用一員或遊或守均可經理其事今總  
廠之設本營將備若令其在廠則不但飲食服用  
勢所必需而巡防操練實多廢缺若不令在廠則  
交船之際又往往嘖有煩言兼之在廠捕舵斷不  
能裹糧從事所以禁例雖嚴未得風清弊絕此臣  
莅任江常鎮道之日總理三廠奔馳二年每以歸  
營之說陳於督撫而不得上請

睿鑒者也再查上年九月內因東省船工貽誤奉有



諭旨議定修理不堅承修督修各官處分在案第查戰船一項修理不堅自屬承修之責若管駕不慎燂洗不勤亦足以致損壞乃定例止議承修督修之文職而管駕燂洗之營員未經議及倘營員漠不關心將來遇有損壞文武互爭在所不免臣愚以為承修責之文職則營員痛癢無關承修責在營員庶船隻方知愛惜且改歸營修其便有三營弁捕舵與船相習則購買物料自必件件適用一也

戰船為水師託命之所文官修理雖堅營員未能深信今歲修既身親其事若大修拆造一并責成自必倍加堅固二也文官支領錢糧承胥或有索扣今既歸營領即與兵餉一例錢糧盡歸實用三也而其間尚有至便者修船雖用工匠然在船兵目亦當素為諳曉從前因文官承修伊等多不留心今既已歸營則兵與匠習斧鑿刀鋸之事日相親近久而兵可為匠於船工更為有益是否可行

仰祈

聖主睿鑒指示謹

奏

此事汝所見甚屬淺狹前委汝一人總理三廠原屬不合今已更定矣復有何不可行處仍令文武員弁兼管為是何必又事更張如委得其人無論文員武弁皆可奏效若不得其人皆有不妥協處全在汝等選擇賢員而委用之未有互相推諉而能令公事辦集者也

戶部左侍郎署理蘇州巡撫印務臣王璣謹

奏為恭懇

聖恩事竊臣本庸材荷蒙

聖主委任清查江蘇積欠錢糧旋又特奉

諭旨署理巡撫印務力微任重實切悚惶查江蘇地方

素稱繁劇錢糧則弊竇孔多命盜則倍於他省加

以民情好訟俗尚流漓官吏之積玩難除案牘之

稽延實甚臣自維才分有限雖竭盡駘駘究竟力

與心違恐於地方無補是以

陞辭之日即經備瀝下情現在遵例另疏自陳實非畏  
難欺飾仰懇

天恩時加

訓誨仍俾早卸撫篆得以專務清查瞻仰  
闕廷不勝犬馬依戀之至謹

奏

如得人豈命汝兼理撫務汝自謂不勝此任朕亦以為

然但不過為期數月果盡力黽勉而竟曰不能不特虛負朕之知遇且為無用之棄材矣勉為之天下未有秉公竭誠而不能辦理之事也

戶部左侍郎署理蘇州巡撫印務臣王璣謹

奏為密奏事竊查潼安衛地畝原係雍正五年間於桃源宿遷睢寧泗州虹縣等五州縣濱河地方新經淤出前任河臣齊蘇勒會疏

題明文報陞科在案臣道經桃宿聞民間議論以前

項新淤多有完糧老地在內從前未經分析不無重納之累又聞前項地畝近水易淹今悉照成熟之地陞科將來難於求豁此等浮言臣不敢信第查淮泗一帶地方原多瘠土今新淤一項實屬聖德感孚

天心協應嘉惠萬民所有徵糧科則似與別項陞科不同因查山陽鹽城二縣射陽湖淤地係照河租徵收每頃輸銀五錢今此項新淤每頃多至二兩有奇

恐領種小民輸納不無難易之別伏惟

皇上明見萬里懇將臣此摺

准賜留中如荷察實加

恩稍為酌減俾五州縣濱河蒼赤永慶盈寧是出

聖主之洪慈非臣下所敢妄請者也為此謹

奏

此事朕正在訪察的確之際且奏者不一其人李衛亦曾面陳凡如斯等奏請民情感怨胥由於此甚有關係



少不密禍即隨之矣密之慎之

戶部左侍郎署理蘇州巡撫印務臣王瑛謹

奏竊照江蘇所屬每年正雜錢糧共三百七十一萬九千餘兩共該解司耗羨三十四萬一千九百餘兩內各官養廉需銀一十八萬四千三百兩通省備辦公事需銀一十二萬一千三百餘兩共養廉公事二項計需銀三十萬五千六百餘兩如正項錢糧全數通完約餘耗羨銀三萬六千餘兩臣等

查此外尚有科場貼費閱操犒賞等類應辦公事  
未有一定之數者俱應隨時核實動用造報謹將  
提解耗羨并養廉公事需用各數逐款開具清摺  
恭呈

御覽伏乞

聖主睿鑒謹

奏

覽汝所開養廉公事需費各款內據稱學政及清查御


史水利郎中等三員原冊遺漏今議增添養廉等語朕  
謂此乃汝等謬誤非遺漏也江南學政何須議給養廉  
此外二員俱係奉差暫行辦理非比守土之官豈可與  
地方各員一例開列即欲議給亦當在於不定公用內  
開銷為是至如辦解顏料貼費銀一萬一千餘兩此項  
朕殊不解額定官價自應綽然有餘寧須如許幫貼耶  
將所以然之故據實開明奏聞又如歲修江南省城銀  
五百兩此項尤屬不通工程不知係何員管理大修之

年勢必不敷不修之年徒被乾沒焉有每年恰用五百兩之理即此數款觀之可知汝等並未實心籌計料理也朕如何批諭當否況歷來此等奏摺朕從不代定準繩不過將不愜意處聊舉一二端示知總憑汝等斟酌妥協而行耳此時稍涉忽略或乘一時之興草率從事被後來人指摘汝等身家榮辱繫焉孰輕孰重審思熟慮秉公為之莫將公物歸於私用則輿情自平他日亦可以免遺憾矣李衛陞辭時有面諭之旨令其過蘇傳

諭汝其領悉遵奉毋誤



硃批諭旨卷十八



總校官庶士臣侍朝

校對官編修臣馬啟泰

謄錄監生臣徐騰